

The Latin Expression and Theological Meaning of Selected Collects
of the Lent and Easter seasons
from the *Missale Romanum* 2008

Students are requested to print this document and bring all of these prayers with them to class each session. This will help the student to study the prayer assigned to each session and the student will have all of the prayers available in case we examine another prayer spontaneously.

Students are also requested to print the course description and the class schedule and bring them to each session so that the student will have all of the resources necessary for our discussions.

Work cited

Missale Romanum ex decreto Sacrosanti Oecumenici Concilii Vaticani II instauratum

auctoritate Pauli PP. VI promulgatum Ioannis Pauli PP. II cura recognitum, Editio typica tertia emendata, Typis Vaticanis, Città del Vaticano ^{3em}2008.

Collectae de missis quadragesimae tempore et paschae excerptae

Collect Prayers selected from the season of Lent and of Easter

DOMINICA I IN QUADRAGESIMA

Concéde nobis, omnipotens Deus,

ut, per ánnua quadragesimális exercítia sacraménti,

et ad intellegéndum Christi proficiámus arcánum,

et efféctus eius digna conversatióne sectémur.

Per Dóminum.

DOMINICA II IN QUADRAGESIMA

Deus, qui nobis diléctum Fílium tuum audíre praecepísti,

verbo tuo intérius nos páscere dignéris,

ut, spiritáli purificáto intúitu,

glóriae tuae laetémur aspéctu.

Per Dóminum.

DOMINICA III IN QUADRAGESIMA

Deus, ómnium misericordiárum et totíus bonitátis auctor,

qui peccatórum remédia in ieiúniis,

oratióibus et eleemósynis demonstrásti,

hanc humilitátis nostrae confessiόνem propítius intuére,

ut, qui inclinámur consciéntia nostra,

tua semper misericórdia sublevémur.

Per Dóminum.

DOMINICA IV IN QUADRAGESIMA

Deus, qui per Verbum tuum

humáni géneris reconciliatióem mirabíliter operáris,

praesta, quaésumus, ut pópulus cristiánus

prompta devotióne et álacri fide

ad ventúra sollémnia váleat festináre.

Per Dóminum.

DOMINICA V IN QUADRAGESIMA

Quaésumus, Dómine Deus noster, ut in illa caritáte,

qua Fílius tuus díligens mundum morti se trádedit,

inveniámur ipsi, te opitulánte, aláriter ambulántes.

Per Dóminum.

HEBDOMADA SANCTA

DOMINICA IN PALMIS

DE PASSIONE DOMINI

Omnípotens sempitérne Deus,

qui humano géneri, ad imitándum humilitátis exéplum,

Salvatórem nostrum carnem súmeré,

et crucem subíre fecísti,

concéde propítius,

ut et patiéntiae ipsíus habére documénta

et resurrectiónis consórtia mereámur.

Qui tecum.

FERIA V IN CENA DOMINI

AD MISSAM VESPERTINAM

(Mass of Holy Thursday evening)

Sacratíssimam, Deus, frequentántibus Cénam,

in qua Unigénitus túus, mórti se tradituúrus,

nóvum in saáecula sacrificium

dilectionísque súae convívium Ecclésiae commendávit,

da nobis, quáesumus, ut ex tánto mystério

plenitúdinem caritátis hauriámus et vítae.

Per Dóminum.

FERIA VI IN PASSIONE DOMINI

(Good Friday)

Reminiscere miseratiónum tuárum, Dómine,

et fámulos túos aetérna protectióne sanctífica,

pro quíbus Chrístus, Fílius túus,

per súdeum cruórem instítuit paschále mystérium.

Qui vivit.

FERIA VI IN PASSIONE DOMINI

(Good Friday)

Vel:

Deus, qui peccáti veteris hereditárium mórtem,

in qua posteritátis génus ómne succésserat,

Chrísti Fílii tui, Dómini nóstri, pássione solvísti,

da, ut confórmes eídem fácti,

sicut imáginem terréni hómínis

natúrae necessitáte portávimus,

íta imáginem caeléstis

grátiae sanctificatióne portémus.

Per Chrístum Dóminum.

DOMINICA PASCH.

IN RESURRECTIONE DOMINI

Ad Missam in die

Deus, qui hodierna die, per Unigénitum tuum,

aeternitátis nobis áditum, devícta morte, reserásti,

da nobis, quaésumus,

ut, qui resurrectionis domínicae sollémnia cólimus,

per innovatióem tui Spíritus

in lúmine vitae resurgámus.

Per Dóminum.

DOMINICA II PASCHAE

Deus misericórdiae sempitérnae,

qui in ipso paschális festi recúrsu

fidem sacrátae tibi plebis accéndis,

auge grátiam quam dedísti,

ut digna omnes intellegéntia comprehéndant,

quo lavácro ablúti, quo spírítu regeneráti,

quo sángine sunt redémpti.

Per Dóminum.

DOMINICA III PASCHAE

Semper exsúltet pópulus tuus, Deus,

renováta ánimae iuventúte,

ut, qui nunc laetátur in adoptiόνis se glóriam restitútum,

resurrectiόνis diem spe certae gratulatiόνis expéctet.

Per Dóminum.

DOMINICA IV PASCHAE

Omnípotens sempitérne Deus,

deduc nos ad societátem caeléstium gaudiórum,

ut eo pervéniat humílitás gregis,

quo procéssit fortitúdo pastóris.

Per Dóminum.

DOMINICA V PASCHAE

Omnípotens sempitérne Deus,

semper in nobis paschále pérfice sacraméntum,

ut, quos sacro baptísmate dignátus es renováre,

sub tuae protectiónis auxilió multos fructus áfferant,

et ad aetérnae vitae gáudia perveníre concédas.

Per Dóminum.

DOMINICA VI PASCHAE

Fac nos, omnipotens Deus, hos laetitiaie dies,

quos in honorem Domini resurgentis exsequimur,

affectu sedulo celebrare,

ut quod recordatione percurremus

semper in opere teneamus.

Per Dominum.

IN ASCENSIONE DOMINI

Sollemnitas

Ad Missam in Vigilia

Deus, cuius Fílius hódie in caelos,

Apóstolis astántibus, ascéndit,

concéde nobis, quaésumus,

ut secúndum eius promíSSIONem

et ille nobíscum semper in terris

et nos cum eo in caelo vívere mereámur.

Qui tecum.

IN ASCENSIONE DOMINI

Sollemnitas

Ad Missam in die

Fac nos, omnipotens Deus, sanctis exultare gaudiis,

et pia gratiarum actione laetari,

quia Christi Filii tui ascensio est nostra provectio,

et quo processit gloria capitis, eo spes vocatur et corporis.

Per Dóminum.

IN ASCENSIONE DOMINI

Sollemnitas

Ad Missam in die

vel

Concéde, quaesumus, omnipotens Deus,

ut, qui hodierna die

Unigenitum tuum Redemptorem nostrum

ad caelos ascendisse credimus,

ipsi quoque mente in caelestibus habitemus.

Qui tecum.

DOMINICA VII PASCHAE

Supplicatióibus nostris, Dómine, adésto propítius,

ut, sicut humáni géneris Salvatórem

tecum in tua crédimus maiestáte,

ita eum usque ad consummationem saéculi

manére nobíscum,

sicut ipse promísit, sentiámus.

Qui tecum.

DOMINICA PENTECOSTES

Sollemnitas

Ad Missam in Vigilia

Omnípotens sempitérne Deus,

qui paschále sacraméntum

quingúnta diérum volúisti mystério continéri,

praesta, ut, géntium facta dispersióne,

divisiónes linguárum ad unam confessiónem tui nóminis

caelésti múnere congregéntur.

Per Dominum.

DOMINICA PENTECOSTES

Sollemnitas

Ad Missam in Vigilia

vel

Praesta, quaesumus, omnipotens Deus,

ut claritatis tuae super nos splendor effulgeat,

et lux tuae lucis corda eorum,

qui per tuam gratiam sunt renati,

Sancti Spiritus illustratione confirmet.

Per Dominum.

DOMINICA PENTECOSTES

Sollemnitas

Ad Missam in die

Deus, qui sacraménto festivitátis hodiérnae

univérsam Ecclésiám tuam

in omni gente et natione sanctíficas,

in totam mundi latitúdinem Spíritus Sancti dona defúnde,

et, quod inter ipsa evangélicae praedicationis exórdia

operáta est divína dignátio,

nunc quoque per credéntium corda perfúnde.

Per Dóminum.